



partii naleraq

10.Oktober.2017

UKA2017/35

**Inatsisartut aalajangigassaatur siunnersuutigineqarpoq Naalakkersuisut peqquneqassasut UPA2018-imut Tunumi aalisarneq pillugu nassuiaat aqqaatissagaat. Nassuiaatip imarissavaa Naalakkersuisut aalisarnikkut inerisaaniarlutik iliussisaat kiisalu innersuussutit, aalisarnerup inerisarnissaanut tunngasutigut siunnersuutaasut.**  
(Inatsisartunut ilaasortaq, Laura Taunajik, Siumut)

Inatsisartut aalajangigassaatur siunnersuutigineqartoq Laura Taunajik-mit, Naalakkersuisut peqquneqassasut UPA2018-imut Tunumi Aalisarneq pillugu pilersaarummik nassuiaasoqassasoq, tamannalu Partii Neqqamiit imaattumik oqaaseqarfigissavarput.

Naalakkersuisooqatigiini isumaqatigiisummut naapertuummat, taamaattumik siunnersuut tungaviatigit taperserparput, Tunumilu aalisarnikkut suliffissuaqarnikkullu siuarsaasoqarnissaa pimoorullugu sulissutigineqartariaqarpoq.

Taamaattumik suliffeqarfissuaq inuiaqatigiit pigisaat RG piumaffigineqartariaqarpoq piginnittuniit, Tunumi innuttaasut peqatigalugit piginneqatigiiffimmik aallartitsisinnaaneq siunertaralugu 50/50%-it ? aallaavigalugu misissueqqullugu.

Kaammattuutigerusupparpullu Aalisarnermut Piniarnermullu Ataatsimiitsitaliaq, aammalu Aalisarnermut Piniarnermullu Naalakkersuisoq, kiisalu Inuussutissarsiornermut, Suliffiqarnermut, Niuernermut, Nukissiuuteqarnermut Naalakkersuisoq, peqatigiillutik Tunumut angalassasut, innuttaasut qanimut tikillugit aaqqiissutissanik nassaarniaqatigiissasut.

Angalaqatigiissinnaanissamullu suliffeqarfissuaq RG aamma ilanngunneqarnissaa kajumissaarutigaarput.

Taamatut oqaaseqarluta siunnersuut aappassaaniinnginnerani ataatsimiititaliamut susasqartumut innersuupparput, ataatsimiititaliallu sulilluarnissaanik kissaallugu.

Qujanaq

Henrik Fleischer